

Seto kostipääväl pakti jal' kõgõ parebat umma süüki

Sool süvõl oll seto kostipääväl 14 kohvkut. Nuist poolõ 'olli' vallalõ puulpühäl, töösõ vöti' külälisi vasta katõl pääväl.

PÄRNOJA ÜLLE

Kohvküh toimõt 142 inemist ja viil hulga abilisi inne. Kõigi kohvkidõ käive oll kokko üle 32 tuhandõ euro. Siiä' tulõ lissas viil töisi turismiteenusidõ tulu – üümaja, kaemiskotusõ' jne. Tuu numbrilinõ puul om kindlahe tähtsä jago kokovõttidõ tegemisõl.

Viil tähtsõp om, õt kohvkidõ iistvidäjä' ja miiskund teesi' kõkkõ hüäl meelel ja näile hindäle meelisi' kostipäävä'. Muidõ juhtus tuu, õt üts-kats kõrda tegevä' kohvkut, a pikebält õlõ-õi huvvi. Õt seto kostipäiv om vabatahtlik, sis kohvkidõ osa ommõgi' siih üritüsel kõgõ tähtsõp.

Ka' MTÜ Seto Kütük panustas tuuhu nädälivahetuistõ pallõ. Ütõl puult tuuperäst, õt kohvikit om hulga ja õga iistvidäjä'gä' tulõ timä kohvigu asju erälde kõrralda'. Kaifõs kõik pia-ai ummist tähtaigust kinni ja nii lätt hulga aigu suhtlõmisõ pääl.

Ma vöi julgõlt üldä, õt poolõ aastaga joosul umbõs puul tüüaigu lätki' tuu üritüse pääl. Kas sääne aokulu om mõistlik? Kas saasi' kuigi' töisildõ? Järgmätsel aastagal vidä seto kostipäivä iist MTÜ Seto Kütük vahtsõnõ tegevjuht, vaest om timäl vahtsi mõttit.

Kostipäivä teemi tuu jaost, õt meil hindäl õlõs hüä, a inäp viil, õt pakku' kõgõ parebat ja kohalikku Setomaa külälisilõ. Tuuperäst om hüä miil



Piiri Veereh kohvigu noorõ pernaase. Rõõmu Grethe pilt

lukõ' külälisi tenosõnnu. Muidõgi' om ka' õpmiskotussit. Nuid mõttit mi aroda kohvkidõ kokkosaamisõ, las nuu' jääse kõrraldajidõ tiidä'. Ma tuu siih välilä mõnõ' kirotusõ, mäntse' näütäse', õt Setomaa ja seto süük omma' töistsagamatsõ, õt õks ja jäl' tasõs siia' tagasi tulla'. Kostipäävä külälisi kirotuisih nimetäs kol' inemist neläst, õt nä kindlahe soovtasõ' kostipäivä ummilõ sõbrõlõ, tutvilõ.

Mi ooda näid järgmätsel seto kostipääväl, mia om 15.–16. augustil 2020.



Rühühüä pernaane Toomõ lti näütäs leeväküdsämise kunsti. Sundelil Harri pilt

Kohvkidõst vastusõ'

Mia oll ti kohvigu tegijidõ kõgõ parep tunnõh kostipääväl?

Helmeakaala' Aeduh: Hüämiiil kuuhtegemisõst, kuuholõmisõst, kuuhaulõmisõst ja külälisi rahulõlõmisõst. Meele miildü illos talokotus, perre vastatulõk ja avitamõnõ. Mi oll hindäga' rahu, õt mi joudsõ vahtsõh kotusõh jal' hõste kõrda saia'.

Ostrovaoro pervepäälne: Tiimitüü. Kükü tüüt hõste – sai söõgi ettekandõmisõga' kõrda umbõs 1–3 mintaga'.

Tetti kõvastõ tüüd, a kõõghil oll ka' väiga' hüä humoor ja lõpus olõminõ. Järekorra' oll' müügleitih. Kõik lavva' (12 lauda, säälhulga suurõra' ja väikõba') oll' kõik aig hõivat. Üts jago külälisi oll Ostrovah tunnõ ja tulil' ka' perästpoolõ viil tagasi. Mi soovi kohvkut tetä' ka' järgmätsel aastagal.

Kirsi talo kohvitarõ: Õks külälisi tenosõna' ja hüä tagasiside. Tuu, õt minti üteh tandsuõpmisõga' ja õlti mõnõga' talomorol.

Külälisi vastusõ'

Mia sullõ kohvkidõh kõgõ inäbä miilde jäi?

Kõikaig oll tahtminõ, õt kõtõh õlõs inäbä ruumi hõrgutisi jaost. Nii külälisi ku võorustajidõ hüä tujo ja sõbralikkus. Hulga oll umakavõtõ kraami, mia tekk söõgi viil parebat.

Väiga' kinä' ja lahkõ' teenindäjä' oll' õghal kohvküh. Väiga' miildü, ku teenindäjä' oll' seto rõivih.

Ilosa' ettekandja' Helmeakaala' Aeduh ja seto leelo ka' samah kotusõh.

ObiNizza üülõkaalih melu, elo ja spontaansus. Kõgõ-kõgõp kultuurielamus sool süvõl.

Rikka Ivvani talo stiilne elo ja näide tervislik toiduvälk. Ostrova Lilleoro talo ja näide tegüs pererahvas.

Vaba ja sundmalda' õhk-kund, õt töötõstõ nauti' kõkkõ paktavva.

Põrmandurõva kudaminõ, väiga' sõbralik ja lahkõ pererahvas, illos Setomaa luudus ja illosa' talo'.

Mäntsest kohvkust sa sait kõgõ pareba söõgielämüse?

Mõista-ai vallil'. Mi proo-

mõ mitmit. Perepetsi Piätüse pelmeenil' oll' imelise'. Sõir õgal puul hüä. Väiga' hüä maiguga' vegan pörknapiarak oll kohvküh Maagõkõso maitsõ. Hüä taar oll Kitkut Sõtkutuh.

Mi vöti õnnõ lihapiirakit Niitsigul, muial otsõ kultuuri – a piiragu' õlli' hüä!

Rikka Ivvani man, a pallõ jäi muial maitsmalda', selle õt jovva-as süvvä'.

Kivitii maa seeh küdet lammass. Rikka Ivvani tatrõgõküpsise' ja ruug. Inara kohvküh mustigakissel.

Viil külälisi kirotuisi:

Ma olõ nii fänn, õt ma naudivõ kõkkõ. Hüä ilma ja seltskunnaga' om supõrelämüs. Aifumma kõigilõ kohvikilõ, kiä' lubasi' võorast pinni uma moro pääl ja lämmäl pääväl anni' eläläje vett.

Aifumma teele kistu-malda' hüä üritüse kõrraldamisõ iist ja kõigilõ vastavõtõjilõ hüä kogõmusõ iist! Mi Kau kogõpääväl jo mitmondõt kõrda ja mi kiä kõigilõ ummilõ sõprulõ ja tutvilõ!

20 punkti 10-palli süsteemih Ostrovalõ!

Siilbeki Mailis: „Ma tahasi', õt seto süük paistus' üritüsil inäp vällä.“

MTÜ Seto Kütük arõndas Setomaa söõgitsihti, nii ku Setomaa Turism tegeles turismiga' ja Seto Käsitüü Kõgõ näpotüüga'. Maikuuh otsõ Seto Kõõgi juhatus tegevjuhti. Mi kõnõli Setomaa mitmõ kandidaadiga', a löudse tä kavvõbast. Juulikuust päälõ toimõttas Seto Kõõgi tegevjuhina Siilbeki Mailis. Edimält üts päiv nädälil, oktoobrist täuskotusõga'.

Mille sa tahtsõt tulla' Seto Kõõgi tegevjuhisi?

Ma kuuli sõod hüä inemise kõäst. Ivika Nõgel om maal elämise suur aktivist. Timä arvas, õt tuu tüü om täpselt mu jaost. Mi olõ kuuh Iivikaga' projekte tennü', tä tund minnu hõste.

Sõõgiteema om kõikaig õlnu' mu teema. Ma olõ tuud ülilikoolih õpnu', liss ka' majandust. Ma tahä väigõkõisi kotussidõ elõjõvullisusõ hüäs midägi' ar' tetä'. Tuu klapis mu tiidõmisõ ja mõistõmisõga'.



Siilbeki Mailis.

Eräkögo pilt

Kost sa eis' peri olõt ja mäntse' kokkoputmisõ omma' sul söõgivaldkunnaga'?

Ma juurõ omma' Võromaa, Kolepi ja Lasva küläh täpsõbält, a terve elo olõ elänü Talinah. Seto keelst las hõste arvu, a eis' viil kõnõlõ-õi. Sõõgivaldkunnaga' olõ pallõ

kokko puttunu'. Edimäne tüütõkõtus oll Saarõmaal 14-aastatõsõna üteh sadamakohvküh, sis nakaski' tuu ala minnu huvtamma. Tehtnikülikoolih õpõ turismi toilitlusõkõrraldust. Ma õll kõrraldanu' näütüses Muhu saarõl muusigafestivali Juu Jääb toilitust. Tuo festival om kolmpäävänõ,

külälisi u 5000–6000. Kuuh Otepää vallaga' tei Otepääl maitsidõ nädälil, ma ollil säääl ettevõtõmisõh projektjuht. Mi tei uma kogokunna küläh põlõudagussüüki, tuu tähendäs, meil oll restoran kest põldu. Aastit olõ toimõtanu' saaju-kõrraldusõh. Septembrini' oll Villa Müllerbecki tegevjuht. Õt tuu om väigõkõnõ ettevõtõh, sis ma tei kõik, midä oll vaia – ollil kokk-kondiitri-keevitjä. Samah tegevjuhina kai laebalt pilti ku töösõ' tüütõgijä'.

Midä sa Setomaa ja seto söõgikultuurist tiit?

Setomaa om üts mu zen-kotussit, koh ma aastit olõ kaunu' hinnäst lautmah. Setomaa om mullõ väiga' süämeperrä. Muidõgi' niipallõ, ku ma sool süvõl õlõ inemisiga' tutvast saanu', sis säänest kokkoputõmist mul inne olõ-õs. Õt mu tüü Villa Müllerbeckih oll nädälil viimätsil päivil, sis Setomaa tsärre' tegemisõ jäi' mul kaifõs nägemälä'. Ma ooda huviga' järgmäist aastaka, sis saa eis' ka' oõta votta'.

Mu lemmiksõõgikõitõ Setomaa om Taarka Tarõ. Mullõ väiga' meelüs, õt kuvvamuudu

nä suhtlõsõ' kliendiga'. Vabalt, vahetult, ehedät. Eiskil' uma saajapääväl kõvemi Taarka Tarõh söõmah. Mullõ meelüs, õt ma tei seto inemisõ' omma' ehedä', julgõ välilõutõmisõga' ja hüätujõlisõ. Õga asäga' kau konkreetsus ja nali kuuuh. Ma tahasi' mõtõlda', õt ma mäntselgi' aol olõ inäp uma, ku ma tämbä tuud olõ.

Kooni' oktoobrinil' toimõttit Seto Kõõghil väiko jaoga'. Mäntse' omma' su edimätsel mulje'?

Edimätsel mulje' omma' aukartust ärätävä'. Vedõsnikõ kuuholõkil om jäänü mulje, õt kõik omma' nii toimõka', tegusa' ja hõste kokkoõhoitva'. Mul om vaia viil sisse sulanduda'. Suur tüü om ar' tetä', õt minnu vöödasi' võrdväarse partnerina. Tämbä ma viil saa tutvast kõõga', hingä seto kultuuri sisse. Ma kae, kuvvamuudu asä' käävä' ja kuvvamuudu ma saa üteh avita'. Ma tahä avita' nuih asõh, mia jo toimisõ'.

Midä su arvatõh olõs kõgõ tähtsõp Setomaa söõgi valdkunnah ar' tetä'?

Mullõ paistus, õt tähtsä om

tegedä' tuuga', õt seto süük paistus' üritüsil inäp vällä. Vaia om julgustä' nuid inemisi, kiä' tegevä' hõste süvvä', õt ma mõistasi' süüki pakku' Setomaa külälisilõ. Katusorganisatsioon saa tegijit toeta', näütüses viidada', mäntse' dokumendi' pias olõma vormselgi' aol olõ inäp uma, ku ma tämbä tuud olõ.

Kas sul om jo tekkünü ettekujotus, kuvvamuudu nuu' asä' ar' tettüs saava'?

Ma olõ arvu saanu', õt kõgõpäält tulõ kõnõlda' mõttit ja murrist. Tõösõ inemisõ omma' Setomaa nii pallõ jo ar' tennü', õt tuust tulõ kõgõpäält oppi'. Parhilla' ma viil orienteeru-õi Setomaa võimalusih. Ma väiga' ooda kokkõsaa-mist Seto Kõõgi inemisiga'. Ma soovi, õt nä julgõsi' mu poolõ tullä' ummi küüsüimisi ja ettepanõkidõga'. MTÜ toimõtamõnõ om suurõh jaõh õks kuuhtüü, mõttõ' tulõva' kõigilõ. Ma olõ tuu, kiä mõttit teostas ja süsteemst toimõttas. Ma tui tuud kõõkõ MTÜle ja liikmilõ, ma tii-õi eishõndlä. Küssõ PÄRNOJA ÜLLE